


欽定八旗通志

人物志

卷一百

九十九



欽定八旗通志卷一百九十九

人物志七十九

大臣傳六十五

漢軍正白旗四

楊宗仁 蔡良

魏經國

楊文乾

石禮哈

孫國璽

三泰

何立柱

楊宗仁

楊宗仁漢軍正白旗人由監生於康熙三十五年

授湖廣慈利知縣四十年五月調藍山四十四年

總督喻成龍巡撫趙申喬疏薦卓異遷甘肅階州

知州四十五年遷蘭州同知四十九年十一月總  
督音泰巡撫鄂奇復疏薦五十年五月遷臨洮知  
府五十一年以巡撫岳拜疏薦老成練達熟悉番  
情授西寧道五十三年七月遷浙江按察使五十  
四年十一月丁父憂五十七年八月補廣西按察  
使旋署廣西巡撫十一月擢廣東巡撫五十八年  
上以直省錢糧虧空甚多令各督撫立法清理宗仁疏言  
粵東虧空現在嚴飭各屬勒限追完至于防杜將

來惟督撫司道府廳交相砥礪勿藉事勒索無論  
正雜錢糧知府照例不時盤查庫銀隨征隨解米  
穀實貯在倉毋許虧缺若州縣自行花費知府寧  
肯代爲彌縫甘蹈分賠之嚴例州縣旣無由那移  
掩飾卽虧缺諒必無多亦易補足倘敢徇縱除本  
官嚴行治罪上司從重議處庶上下皆知儆惕若  
地方有不得已之公務那用難責州縣獨賠又難  
使倉庫虧缺應以督撫等所得公項銀抵補如不

敷仍設法公捐總不致課帑虛懸于清釐虧空不  
無小補下部議如所請六十一年十一月

世宗憲皇帝御極授湖廣總督雍正元年正月丁母憂  
命在任守制并停陞貝宗仁疏請停給

恩詔應得本身妻室封典及廕為父母求

諭祭得

旨俞允仍給封廕尋

賜孔雀翎四月疏言湖廣素稱俗薄民刁兵驕吏玩細究

其故皆由文武大員向所屬官弁索取陋規節禮  
州縣必至橫徵私派武弁必至虛兵冒餉兵民挾  
此逞奸員弁不敢過問臣今槩行禁革不許文官  
有私派武弁有扣冒之弊庶兵民不得藉詞逞私  
驕悍之習冀可默化潛消再兩湖地方鹽價逐漸  
增長窮民每興嗟怨揆厥所由各官多貪鹽規商  
人借此長價卽如總督衙門鹽規漸次加至四萬  
從前一錢一包之鹽今則公然昂貴至一錢五六

分不等臣今盡革鹽規令商人減價出售以惠窮民俾地方漸有起色至于嚴禁官宦富戶囤積止令商販往來俾米價漸平與力行保甲稽查匪類等件皆臣職分應行之事不敢一一瑣陳得

旨覽爾所奏朕深嘉悅在他人猶聽其言而觀其行至於爾則信而不疑斯乃全楚地方否極而泰之機也五月疏薦廣東南海知縣宋瑋陞湖南寶慶知府廣州左衛守備范宗堯改補湖北漢陽知縣得

旨姑允所請後勿踵行又疏言俸工一項乃

朝廷祿養官役之恩豈可任意飭捐以填貪壑湖廣州縣以上俸工報捐已經十有餘年總無分釐給發責成官役枵腹辦事焉能禁其不需索閭閻今自雍正元年起一切官役應支俸工臣俱令各照額編支領俾均沾實惠從前凡有公事無一不令州縣分捐實皆派累百姓臣通長核算但令州縣于所得加一耗羨內節省二分解交藩司以充一

切公事之費此外絲毫不許派捐近奉部文又將  
解部餘平一分

恩賜免解承辦公事更得有餘况節禮陋規概行禁革則  
州縣亦易于補苴從前虧空矣得

旨所言全是一無瑕疵勉之尋以病請以子榆林道文乾  
隨任終養

詔加文乾按察使銜馳驛速赴並

遣御醫診視七月疏言湖北糧道管理全省漕運兵糈一

歲中計有半年公出舊設驛鹽道管全省驛遞號  
船應付勘合火牌准鹽到楚盤驗察私督運額銷  
引目職守迥異康熙五十八年依前督臣滿丕奏  
以驛鹽道歸併糧道似未妥協請復設以專責成  
下部議行九月疏言襄陽府屬之樊城鎮五方雜  
處商賈輻輳奸宄易以潛踪請移襄陽府同知駐  
樊城彈壓從之又言清淨盜源稽察窩賭窩逃法  
莫善于力行保甲臣到任後卽通飭所屬令紳衿

兵役與齊民一體鱗次挨編保甲不許脫漏一戶  
聯絡守望百姓稱便誠恐州縣奉行不得法令專  
委本管道員稽察如有未盡合法之州縣卽令指  
示照式編次擇其善者另予優獎得

旨此論甚好凡舉行一法必示以勸懲方期有效耳二年  
正月疏言立社倉實係美政臣與各官加意講求  
先擇地建倉然後勸捐穀本出納聽民自主不許  
官吏會計侵肥並立獎掖尚義之典士民咸踴躍

爭先江夏武昌蒲圻等二十州縣各建倉三五  
所不等約共捐穀本將三十萬石效驗已著臣又  
傳湖南循此成法施行得

旨據奏社倉一事於各省中爾先成創始之功殊可褒嘉  
三年六月

諭獎督撫諸臣中居官行已可風有位者加宗仁太子少  
傅銜七月卒于官年六十有五遺疏入得

旨楊宗仁敬慎持躬廉能供職効力年久懋著勤勞自簡

任總督以來潔已奉公孤介端方始終一節忽聞溘逝  
朕追念良臣深爲悽惻難釋于懷應沛特恩以示優眷  
加贈少保並給騎都尉世職准襲二次仍察例子恤

賜祭葬諡曰清端

御製像贊有廉潔如冰耿介如石句八年入祀賢良祠文  
乾仕至廣東巡撫自有傳

蔡良

蔡良漢軍正白旗人祖士英順治年間官漕運總

督自有傳父毓茂康熙九年補佐領二十一年授  
叅領二十五年從征噶爾丹逾年擢京口副都統  
四十五年高家堰下濬河築堤偕都統孫查齊等  
往督工四十七年卒

賜祭葬良由聞散於康熙四十二年授佐領四十八年授  
叅領駐防福州五十八年遷浙江台州副將雍正  
二年七月

詔直省副將以下遊擊以上員弁輪流來京視其漢仗弓



馬以辨優劣十一月良於箭亭引

見射箭

命發往陝西四年四月補漢中副將六月遷延綏總兵八月調江西南贛總兵九月擢福州將軍五年二月奏言閩省四旗披甲人等臣現在訓練鎗箭務令精熟行走不許怠惰其不能節省行事不合者盡力整頓更有兵丁之弟男子姪雖係壯丁尚未披甲游手好閒遇事生風自以閒散無人約束官長

亦漫不稽查今飭令各旗協叅領防禦驍騎校等官將壯丁內力可營生者任其自贍仍不時查察其餘皆帶領習學鎗箭稽查出入行走之處若技藝嫻熟毫無過犯遇有甲出卽選擇頂補倘不肯習學而又爲非雖本家甲出亦不准頂補仍責成父兄親族勸其悔改旣開其上進之路又示以不能得甲之勢則知法者更加勉勵卽游手亦不敢爲非矣得

旨此奏甚屬可嘉但務實力爲之加勉勿懈六年四月奏  
言閩省駐防習氣不好臣留心體察實力挽回至  
節儉所以省財亦以惜福每於操演地方諄切曉  
諭務敦節儉禁紛華近來奢靡漸斂再如賭博酣  
酒尤爲不法先飭四旗該管官嚴行約束又每旗  
派撥官一員領催數名各按所管稽查得

旨嘉獎十一月叅奏左營副將金國泰右營遊擊吳廷元  
酗酒不職

詔草二人職

諭內閣曰將軍蔡良覽其陳奏具見實心辦事伊谷下有  
代父應賠銀兩特加恩免其賠補以示眷注七年三月  
奏言駐防兵丁向年賭風甚熾已嚴飭查訪又于  
八旗派出領催四十名臣標四營派出百隊二十  
名每月一換責令專管查拏今賭風亦覺斂息風  
俗人心可漸轉移再查駐防報逃者甚多大半皆  
係所買民人此輩原無根底無知兵壯只圖身價

無幾可得人用犯逃在外爲匪不免株連前奉諭旨嚴禁旗下不許擅買民人臣凜遵

聖諭飭令只許八旗兌買其從前所買民人如果安分准其留用倘有犯逃者卽係自回亦必令其交還原中保領去收回身價仍委協領一員專司其事或徇私容隱本犯照例治罪官以失察糾叅領催一體連坐得

旨照所奏實力整頓開導毋得始勤終怠六月

上諭蔡良訓練約束兵丁勤慎得法福州駐防營伍大爲整理著調補廣東將軍九月奏言廣州駐防兵壯向樂游嬉往往不能安分臣於較閱聚集時面爲曉諭操差務要精勤使令必聽管束進退合乎規矩上下須別尊卑俾人人知法紀當遵惡習當改其壯丁人等俱飭不時稽查勿令外出閒遊使之學習技藝再查廣州五方聚會地當濱海最易藏奸前任將軍石禮哈編設保甲實爲清弊之要但民人

雜處則其來厯眷口悉應填註更有如鑲黃旗兵壯住居正黃旗汛地者或係租賃彼旗房屋在住址原難畫一編入保甲自應聽其查點而本旗該管人員亦應赴彼稽查不得置之不問則逃人可漸稀少得

旨所奏二條可嘉再如奢靡之習尤當加意訓誡此爲養兵根本之道慎勿稍忽九年十二月卒

予祭葬如例謚勤恪十年二月

上以將軍蔡良與提督張起雲總兵蘇大有魏國勳皆素有賢聲勤勞王事宜在賢良之列

命直省建祠祀之

魏經國

魏經國漢軍正白旗人由熱河把總累遷至守備康熙五十年

特擢通州副將

上以經國家貧

賜銀五百兩

命子姪隨任五十七年擢江南蘇松水師總兵五十八年

調天津總兵六十年六月遷湖廣提督赴熱河請

訓適兵部引

見大選官員

上命經國近前令舉所知

命會同步軍統領選京營守備千總帶楚補用雍正元年

奏稱到任後將一應陋規盡行裁革飭令各營修

器械勤操練得

旨湖廣通省被五六庸夫敗壞賴爾一人幸保無事厥功

不小三年加太子少傅調補江南松江提督尋加兵部

尚書銜世襲騎都尉四年疏言江省竊案較他省

獨多緣財賦之區商旅輻輳加以支河小港易於

藏奸晝潛夜出難以稽查臣設巡船遣目兵輪流

巡緝并飭通省水陸各營一體巡查盜風庶可息

得

旨該管協營悉飭令實力爲之五年八月疏言臣子湖廣  
提標中營守備魏瓚荆門營遊擊魏琨奉

旨命臣攜至江南以遊擊守備題補臣長子魏瓚業荷  
特恩准補臣標中營守備請以次子魏琨

賜補泰州營遊擊臣感

聖主矜憐令臣父子同任一方是以冒昧題請下部議從

之十二月奉

旨魏經國由末弁屢次超遷用至提督朕聞伊在楚聲名

甚好加恩優待因松江地方緊要將伊調補乃伊沾名

釣譽求悅於人以致湖廣營務廢弛卽在松江從未奏

地方利弊一事亦未舉劾一人所長不過操守一節其

屬官弁賢不肖皆相安而昵愛之故京師稱道者多觀

其行事實足爲政事人心之害著革太子少傅尙書銜

并世職回京另用六年授鑲紅旗漢軍都統七年正月

署直隸古北口提督閏七月請改石匣營遊擊爲

順義營遊擊石匣營中軍守備爲順義營中軍守

備並增撥兵丁三百名駐順義移漕河把總駐牛欄山順義把總駐楊各莊從之九月疏言熱河一帶地方路通各口建立

行宮四方貿易絡繹不絕近省貧民俱托足餬口臣親歷河屯營十汛見人烟稠密戶口殷繁外來游民蜩集游閒滋事者不少理事同知一員約束難周熱河迤東一百八十里地名八溝接連蒙古行商多聚於此最爲繁雜請增設通判巡檢等官與同知

分管東河西河部議從之八年二月疏言武職親

丁各糧前經河東督臣田文鏡奏准馬步各半各

省一體遵照臣查各省營制大率馬二步八然有

馬糧甚少僅供差防者有祇設守糧無馬糧者有

設馬步戰糧無守糧者如武職親丁各糧俱准馬

步各半行之河東二省自必相宜若槩以爲例似

難通行請將馬糧甚少與祇設守糧之營按馬步

各半之數以二步抵一馬聽提鎮臣酌定至於祇

有馬步戰糧並無守糧如古北提標石匣新營各  
員所食步戰糧較之馬糧祇少草豆乾銀其餉數  
無異似應照馬二步八留作養糧亦與馬步各半  
之數相等一變通間實於軍務有裨得

旨覽魏經國所奏有不得不因地制宜之勢其言甚為明  
晰著直省督撫提鎮各就本地營伍情形議奏並下部  
知之八月疾作

遣御醫齋藥往視十月卒遺疏入

諭曰魏經國歷練營伍操守潔清向蒙

聖祖仁皇帝深恩由微弁用至湖廣提督朕復授以松江

緊要之任伊居官謹飭砥礪廉隅但遇事瞻徇兼有罷

軟之習是以調取來京切加訓誨上年用為古北口提

督遵朕指示辦理妥協無忝封疆之寄今聞溘逝深可

憫惻應得卹典察例具奏尋

賜祭葬如例諡僖恪

楊文乾軍江白旗人



楊文乾漢軍正白旗人湖廣總督宗仁之子由監

生効力永定河工康熙五十三年授山東曹州知

州五十七年遷東昌府知府六十一年卓異遷陝

西榆林道雍正元年加按察使銜

命隨父任侍疾三年正月授河南布政使三月奏言山東

曹州西南之桃園集壤接七縣係山東河南直隸

交會之區距城遼遠巡察難周奸民朝此暮彼出

沒無常請以曹州州同移駐彈壓如所請行四月

擢廣東巡撫

賜孔雀翎及冠服鞍馬尋丁父憂

命在任守制十二月奏言臣自楚赴粵途中聞告休布政

使未絳倚與總督孔毓珣姻親屬帑三萬餘兩交

代未清卽嚴飭作速賠補

諭曰司庫此項挪用孔毓珣曾經奏過爾等封疆大吏惟

宜一心一德以和爲主切勿聽信屬員離間之言以致

好惡參差文乾又奏言臣抵任後查盜案塵積請槩爲

獲悉速結

諭曰盜案非命案可比命案遲延拖累無辜固屬不宜若因監斃者多遂立意輕縱盜犯尤爲不可此事朕難批諭况亦非摺奏完結之事倘慮積案拖累在汝秉公嚴催詳情度理而爲之孔毓珣於緝捕盜賊甚爲盡力彼擒之汝縱之恐汝難當此論縱虎歸山豈爲仁政此等作爲非積陰功乃大壞德行也若不加意斟酌萬萬不可四年四月疏言廣東省城盜賊甚多非編保甲不能清理旗兵與民人連居臣擬會同將軍不論滿漢兵民逐一編查省會奸匪旣清各府州縣可漸舉行盜風庶少息

能清理旗兵與民人連居臣擬會同將軍不論滿漢兵民逐一編查省會奸匪旣清各府州縣可漸舉行盜風庶少息

諭曰此見甚好弭盜之法此爲探本窮源之上策也又疏言廣東去歲薄收今春米價日增臣委員赴廣西買穀運糶詎有鑲黃旗披甲閩尙義等誘集多人赴廠搶穀毆傷監糶官旗兵等赴將軍衙門喊稟將軍李杅令赴臣衙門講說尙義等卽擁至臣衙

門及臣拿獲數人李杅令臣釋放臣未聽從又囑理事同知汪茗文求從寬完結杅身膺重任不能約束兵丁事關旗兵鼓衆乞

皇上欽差大臣來粵確審定擬

上命禮部右侍郎塞楞額兵部左侍郎阿克敦往審得實杅及尙義等俱論罪如律十一月疏言廣東民納糧俱用老戶臣令改立的名今各屬申報或因墾買過割之際就本名註冊或赴縣完糧時問明辦

糧人的名登於原冊老戶下有姓始知改立的名則已身完賦後他人未完者不至累及且就糧管業不致詭寄飛灑諸弊爭先開報一二年後通省俱可改註至丁銀自康熙五十年審定後不復加額廣東丁隨糧辦者已十之四五其未隨糧辦者令布政使確查將丁銀盡歸地糧永免無糧徵銀之累得

旨嘉獎十二月疏言廣東地狹人衆米不敷食積貯宜豫

今現存倉穀百六十餘萬石存七糶三每年出穀  
五十萬石春秋二季兵丁於糶三穀內碾撥三十  
三萬餘石僅存十七萬石臣爲民食久遠計應酌  
量要地加貯二百餘萬石擇水陸總口可達數州  
縣適中之地建倉貯穀有需即可撥運疏入下九  
卿議僉以濱海地不宜收貯以致沍爛惟惠潮瓊  
三府僻處海隅遇歉歲輓運維艱潮屬之海陽加  
貯穀十萬石潮陽加貯穀八萬石程鄉加貯穀六

萬石饒平加貯穀二萬石惠屬之海豐加貯穀二  
萬石瓊屬之瓊山加貯穀六萬石得

旨依議又奏言秋審緩決人犯雖非可矜亦不至情實請  
將三次緩決者減等發邊遠爲民

諭曰朕甚不取汝此奏且恐汝務小而遭大寬嚴不得其  
宜朕甚憂之大凡應嚴者旣不能嚴則應寬者必不能  
寬果能以公忠血誠對越天地神明刑所當刑卽決人  
亦造福之事何況其他四年四月奏言粵省辦公銀每

年六七萬兩向於火耗提用臣商同督臣及司道等將可省者盡裁必不可少之項約需四萬兩查民間置產推糧過割例有州縣公費又奉裁衛所屯糧陋規兩項均可提作公用無用再藉火耗又各官養廉一項州縣徵收火耗每兩加一其實連錢頭併封積零合算一錢三四分不等許解司平頭三分并繳二三分為修戰船及按察使道府廳員養廉每兩淨存五六分留作州縣養廉其解司

平頭共三萬兩有奇除每兩撥三釐為布政使衙門工食外督撫藩司各得養廉銀九千餘兩俱足用

諭曰但務得中為是若暫邀一時之名使將來至於難措非善舉也民情亦不可令至驕慢屬員亦不可令至窘乏天下事惟貴一平所以古人有平治天下之語若一偏之見致遠恐泥故君子不為利不十不變法害不十不易制似此通盤更移之舉必徹始徹終籌畫妥當而

爲之慎毋逞一時之興而輕舉也五年三月乞假葬父  
允之七月福建巡撫常賚疏奏文乾徵收太平粵海關稅  
五年設立專行得銀三十餘萬兩致夷船進口無行承  
非善攬去歲將夷人銀豫行加一扣收得銀四萬三千  
餘兩及上餉復每兩抽分銀三分九釐金六專行  
先繳又發銀數萬兩於他處買湖絲茶葉等物貯  
如升行動令賣完方許各行買貨所以商船稀少  
上以常賚所奏銀數未晰洋行貿易外楊文乾再有見小

漁利之處據實入告嗣常賚疏稱粵海關稅額每  
年四萬有奇雍正四年楊文乾奏報連羨餘九萬  
有奇臣細訪實十五萬兩抽分夷人銀二萬餘兩  
賄縱紅黃紬緞出洋得銀萬兩於番銀不論是否  
買貨先加一扣收得銀四萬餘兩此係例外之求  
復選洋船奇巧之物入署令所派專行賠償計銀  
二萬餘兩又交盤商銀萬九千作二萬兩營運生  
息此見小漁利處也疏入得

旨從來操守二字實難得其人在楊文乾自以爲不關國計民生設法巧取名實兼收不知人之耳目如何能欺所謂弄巧成拙若不改悔立見名實俱敗耳尋

諭楊文乾曰洋行一事確鑿可據汝意以爲巧取暗獲名實兼收殊不知人之耳目難瞞但一圖利誰肯心服汝旣巧取獲利而居清官之名屬員亦必令有巧利方可禁其婪取否則雖令不從此干係屬員生效尤之心也至於百姓汝曾經奏朕粵人惟利是視身命皆視爲次

汝一徇利則百姓孰肯感服聽從耶爲督撫大吏者旣失屬員百姓之心而欲令地方就理豈可得乎汝若不深自愧悔痛改前非必至噬臍不及矣八月

上以福建州縣倉庫虧空甚多

命文乾同浙江觀風整俗使許容吏部郎中鄂彌達內務府員外郎伊拉齊往查文乾疏稱閩省八府中惟福泉漳三府最要福州府臣就近委盤漳州府擬委候補知府潘體豐署印盤查郎中鄂彌達督察

金定八旗通志 卷一百九十九  
泉州府擬委候補知府劉而位署印盤查員外郎  
伊拉齊督察延平府擬委建寧府知府莊令翼盤  
查其建寧府另行委員盤查其餘府州擬於候補  
知府同知內暫委署盤查所報無虧空州縣亦恐  
那新掩舊必將各員交錯調用本身一離原地諸  
弊盡露

諭曰料理頗好竭力爲之文乾又奏言各州縣聞盤查信  
紛紛買補興化府倉穀已買足延建邵等府素產

米穀今歲年景亦佳現責令速補漳泉福等府素  
不產米入秋雨稍缺請寬限陸續買足逾限再叅  
究

諭曰買足者與未買足者原經虧空卽屬一體豈可因其  
現在買足與否而分別之耶若如此不論居官之賢否  
止買地方豐歉竟論造化而已爾此請旨大謬矣朕意  
無他將通省人員於此倉穀一案內查其好者概留劣  
者槩去此二句乃朕本意要在爾等秉公論人辦理朕



亦難以詳悉指示總期通盤還朕一是字或能與不能  
關係爾一生榮辱看汝之福量何如耳九月疏言臣在  
閩聞廣南韶道林兆惠採買木料被劫又聞有盜  
數百搶龍門營七子汛軍器恣劫鄉村署督臣阿  
克敦令地方官從寬批結高州府電白縣山內聚  
盜千餘白日沿村行劫又聞將軍標兵張萬良窩  
盜分贓署撫常賚咨提將軍石禮哈袒護囑令審  
作誣良又常賚署中被盜將

御賜奏摺匣之鎖鑰失去而借用將軍之鑰彼此隱匿盜

風日熾乞

勅諭督臣孔毓珣通飭文武勒限嚴緝

諭曰如此據實陳奏方是汝若身在廣東又未必如此直  
達也十二月文乾查明福建倉庫官虧者勒追完補民  
欠者陸續催徵無可著追及平糶存價採買不敷  
者令前任巡撫毛文銓賠補詳悉入奏

上以文乾秉公辦理毫無瞻顧

命從優議叙部議隨帶加二級又疏稱閩省八府一州知府同知通判州縣共八十員前後叅革改教休致五十餘員其倉庫無虧居官尙好之縣令十餘員俱交錯調用不使仍原任致滋弊端所出之缺於先後

命發人員內量才題補惟是邊海重地俗悍民刁新補各官多係初任若責其典守倉庫則有餘資其治理繁劇則不足乞

皇上再將熟諳民事者發數員交替撫於緊要縣缺補用可收得人之效得

旨此奏可嘉之至尋

諭各省督撫除川陝雲貴廣西外每省於歷任年久知縣內擇謹慎敏練者一員一函具奏卽行咨送閩省令該督撫酌補緊要縣缺六年二月疏叅廣東布政使官達用幕友謝禹臣招搖納賄三月疏叅署巡撫阿克敦勒索暹羅國船戶葉舜德規禮銀兩

金定八旗通志 卷一百九十九 人物志七十九  
詔草官達及阿克敦職 命文乾同總督孔疏珣會訊未及訊文乾卒得 旨楊文乾才識優長辦事勤敏簡任巡撫以來實心供職 粵海地方正資料理伊自閩回粵五月間即患畏風心 煩之症而急公心切力疾辦事不以病狀奏聞洵屬殫 力封疆之臣其心實可憐惜今聞溘逝深為憫惻應得 卹典察例具奏楊文乾樞櫬起程之日著省城官吏齊 集奠送所過廣東地方文武官員親往奠醮並遣人護

送其別省經過州縣亦著地方官照看尋

賜祭葬如例

石禮哈

石禮哈漢軍正白旗人父文焯官至禮部尙書自 有傳禮哈初任直隸正定府同知尋援例捐納道 員雍正元年改授正定協副將二年遷貴州威寧

鎮總兵三年署貴州巡撫

上以其年少屢加

訓諭先是雲貴總督高其倬奏准移大定協弁兵分駐廣  
順州所屬長寨遮貢羊城壘等處四年四月長寨  
狃苗阿革阿紀等糾眾揚言不容安設營汛壘石  
阻路總督鄂爾泰調兵剿撫禮哈偕提督馬會伯  
親往督兵進擊直搗長寨擒阿革阿紀及其黨阿  
搗阿撈七十餘人遮貢羊城壘五十七寨均乞降  
乃宣諭悉歸故業安營設汛而還事

聞

詔獎禮哈臨事果敢交部議叙加三級並

賜還其父文焯巡撫原職互見文焯傳五月擢廣州將軍

十一月抵任遣員採買廣西米石接濟旗營自備

銀一萬兩充運腳費部議叙加二級五年六月以

遵

旨會鞫道員李濱抹頸玷職一案誣聽供詞指稱巡撫楊

文乾逼勒所致奉

諭詰責六年三月楊文乾疏奏署羅定州知州李達德因

清查肇慶府知府楊以寧虧項至將軍署謁見石禮哈不能以禮貌接待縱役凌辱

上原其過猶小免究七月

諭曰石禮哈與楊文乾皆實心任事之大臣但恃才自用俱欠和平二人不睦於地方無益石禮哈著調補福州

將軍十二月

欽差通政使留保等至廣東疏劾石禮哈在廣州日於止白旗另戶壯丁小衛屢犯竊逃並不緝拏治罪又

標兵朱國用等肆名爲盜石禮哈既不將失察各官據實查叅竟扶同倒提年月詳革名糧應治其徇情疏縱之罪

詔該部嚴察議奏尋議照溺職例革職從之七年正月特授鑲白旗漢軍都統七月以大軍分路進剿準噶爾

命石禮哈爲北路叅贊大臣十三年還京補鑲紅旗漢軍

都統乾隆二年奉

旨石禮哈每以不知爲知舉止乖張不勝其任著革去

都統在散秩大臣上行走不必食俸四年以不勉力行走

命革職發往軍臺効力贖罪七年釋還十二年卒

孫國璽

孫國璽漢軍正白旗人康熙六十年進士雍正元年揀發河南以知縣用補鄆陵縣知縣遷禹州知州四年八月擢開封府知府

特命專摺奏事九月調浙江杭州府知府六年二月擢福

建汀漳道十月調臺灣道國璽疏言臺灣諸臣例不挈眷臣母止臣一子孀居苦節衰老龍鍾現居漳郡乞准臣每歲內渡省視一二次仍卽馳赴任所奏人

上嘉之卽調鹽驛道七年閏七月遷按察使十月擢山東布政使先是國璽自漳州赴任途次有持署浙江巡撫蔡仕刪名簡免轉托學政程元章關預試事者國璽叱之不以

聞至是事覺

上責之曰凡爲臣子者惟當勉一公誠事事無欺無隱與君上一德一心爲要朕因觀汝可成大器所以不次擢用諒汝必不負朕也然每遇與汝共事之同寅上司等偶一言及未有不稱道汝者朕少涉疑料汝必由俯仰浮沉取悅干譽之所致今果然矣朕深爲之寒心如蔡仕舛浼汝轉托程元章一事在他人尙不肯欺隱而據實奏聞於朕不知孫國璽具何肺腑竟能隱忍而欺朕

似此不明大義不別重輕卑陋鄉愿小人之形態豈能受朕知遇之人物耶殊大失朕之期望矣國璽尋奏臣愚昧前因業經面叱並告知程元章未及叅奏並非畏懼蔡仕舛敢爲欺隱

諭另疏補叅並

勅蔡仕舛明白回奏尋下部議仕舛降一級調用九年四月授國璽大理寺少卿旋署浙江布政使十月署河東副總河十年十月以河東總督田文鏡患病

命國璽協辦十一月署河南巡撫十一年七月擢左副都御史九月暫署江蘇巡撫十一月署吏部侍郎乾隆元年擢兵部侍郎三年四月授安徽巡撫八月疏言安徽蕪湖鳳陽兩關蕪湖關不徵米稅鳳陽關因毗連江廣販運者多以故按數收課此向例也臣按本年被旱之鳳滁六四等府州距鳳陽爲近請將米穀課稅自本年八月至明歲正月照蕪湖關例免其徵收商賈趨利若鶩勢必踴躍轉輸

似於民食更爲通裕得

旨所奏甚是寬徵之期應相其情形何必限以五月耶十月疏言本年江南鄉試輪臣監臨應試舉子萬七千六百有奇入場不遵條約爭先鬪捷不聽唱名搜檢給卷後任意遊行多搶號板東西喧嚷至第三場給題紙因人衆紙多印刷不及分給稍遲輒噪集至公堂下經臣再三勸諭立刻補給始各歸號舍夫讀書以養氣爲先似此飛揚凌競士氣



不馴已可概見及收卷各官以違式卷呈請貼出  
多係正草不全或塗改卷面姓名或正草全無公  
然題詩於後或於卷末列寫稟訴之語昔人云先  
器識而後文藝器識既卑雖有文藝亦不足觀此  
皆由教官平時漫無檢束以致士子倚恃青衿挾  
制官長習以爲常至三年大比乃進身之階絕無  
敬慎顧忌之心卽倖列科名  
朝廷亦安所用之

勅下學臣行令各學教官督率訓諭務使修文砥行共  
相剴切至鄉試之期學臣詳慎遴選分別去取毋  
使掛名士籍之徒濫竽徒滋喧競嗣後如不遵  
功令擾亂場規本生懲革外將本學教官嚴行叅處  
庶頽風可挽士習可端奏入

卒

上以國璽據實直陳不避嫌怨下部議叙予紀錄四年

賜祭葬如例

三泰

三泰漢軍正白旗人曾祖內大臣華善以其先原  
係蘇完人姓瓜勒佳奏請改入滿洲籍詳華善傳  
祖石文炳襲三等伯官福州將軍父觀音保任都  
統三泰由藍翎侍衛洊授二等侍衛乾隆二十二  
年四月遷正紅旗漢軍副都統十月陞吏部右侍  
郎二十三年正月軍機處行走四月調戶部左侍  
郎六月

詔三泰與尙書納穆扎爾赴西路軍營以叅贊大臣行  
走學習軍務七月逆回霍集占自庫車敗遁定邊  
將軍兆惠往擒剿

命納穆扎爾爲靖逆將軍與三泰統索倫察哈爾及健  
銳營官兵往會兆惠軍兆惠軍至葉爾羌令副都  
統愛隆阿侍衛奎瑪岱以兵來迎納穆扎爾遣愛  
隆阿先還自與三泰奎瑪岱乘夜進期以黎明趨  
至兆惠軍營隨行二百騎猝遇賊三千被圍奎瑪

岱死之訥穆扎爾矢盡三泰隊馬徒步按戰俱中  
創陣歿

上嘉憫其忠毅贈三泰三等子爵並加恩授其兄祥泰  
為散秩大臣尋

賜祭葬如例謚果勇入祀昭忠祠回部底定

上追悼納穆扎爾三泰

御製雙義詩紀其事見納穆扎爾傳尋

命圖形

紫光閣

御製贊曰率二百人共詣軍營臨敵而退寧謂忠誠如  
早聞信何致殞身不前不後失二賢臣子佛住襲世  
爵及散秩大臣現官阿克蘇領隊大臣

何立柱

何立柱漢軍正白旗人初名鈞官副將時始改今  
名其先世居蒙古之烏嚕特部曾祖和濟格爾於  
天命七年來歸隸入漢軍遂姓何氏祖拜音達禮

襲三等輕車都尉世職歷官至廣州將軍以軍功  
晉襲一等輕車都尉並詳和濟格爾傳父何天培  
由廕生授佐領康熙三十五年扈  
駕征噶爾丹授叅領雍正四年由江南京口將軍擢兵部  
尙書緣事鐫級補正白旗漢軍都統六年七月江  
蘇巡撫張坦麟鎮海將軍金以坦疏劾天培在將  
軍及署巡撫任內貪欸劣蹟

命刑部鞫訊得其營私壞法及鑽營年羹堯隆科多諸罪

案擬斬監候乾隆元年

恩釋尋病故立柱於雍正七年降襲二等輕車都尉十  
三年授三等待衛累遷頭等待衛乾隆十六年授  
浙江嘉興協副將二十三年奉

旨在這頭等待衛上行走六月授健銳營翼長派往西路  
軍營勦逆回霍集占二十四年副將軍富德等敗  
賊於阿爾楚爾立柱在事有功二十七年叙功給  
雲騎尉世職併所襲爲一等輕車都尉尋授湖北

襄陽鎮總兵三十一年調湖南鎮箠鎮總兵三十  
三年二月擢雲南提督從將軍明瑞征勦緬甸尋  
調貴州提督九月卒於軍營

欽定八旗通志卷一百九十九

